

3rd Chhâ Tâi-gí Sû-tián Pí-sài Kui-chek

2013 第 3 屆查台語詞典比賽規則

注意事項

1. 《甘為霖台語字典》(台灣教會公報社出版)是比賽指定用冊，請所有參賽者自備，本冊採用教會羅馬字(POJ)編寫。參賽者 **tī** 比賽用冊《甘為霖台語字典》**nih**，除了簽名 **ê** 文字以外，攏袂使有任何幫贊查詞典 **ê** 文字 **kap** 記號。違反者，取消比賽 **ê** 資格。
2. 參賽者 **ài chah** 第 3 屆查台語詞典比賽參賽證、國民身分證(抑是效期內 **ê** 駕照/護照，學生組帶健保 IC 卡或者是學生證)正本辦理報到。
3. **Bat** 得著本中心舉辦 **ê** 查台語詞典比賽第 1 名 **ê**，3 冬內 **bē-tàng koh** 報名全組 **ê** 比賽。
4. 參賽者 **ài chah** 比賽用冊《甘為霖台語字典》、黑色或者是藍色原子筆、修正帶(液)參加比賽。若無 **chah** 比賽用冊《甘為霖台語字典》，**bē-tàng** 入場比賽。
5. 參賽者無參賽證抑是合格身分證件正本者，**ài** 先到報到服務處辦理補發參賽證抑是補驗身分證件手續，**nā** 無，一律 **bē-tàng** 入場比賽。
6. 入場 **ê** 時，**ài** 出示參賽證、身分證件正本 **kap** 比賽用冊《甘為霖台語字典》，按照座位號碼就座，入座了，請 **sûi** 檢查參賽證號碼 **kap** 座位號碼 **kám** 有一致。比賽進行當中，**nā** 發現坐毋 **tiòh** 位，**ài sûi** 離場，失去參賽資格。
7. 比賽一開始，參賽者 **tiòh bē-tàng** 入場。
8. 比賽 **ê** 時，**bē-tàng chah** 行動電話、呼叫器、計時器 **kap** 其他電子設備入座，**nā** 是比賽進行當中，**hō** 工作人員發現 **chah** 頂面所講 **ê** 物件，或者是 **chiah-ê** 物件發出任何聲音(包含振動聲)，一律取消比賽資格。
9. 比賽 **ê** 時，**bē-tàng** 佇會場內底食物件(包含橡奶糖)、食煙、擾亂比賽秩序抑是影響別人作答，第 1 **pái** 違規口頭抑是書面警告；若累計 2 **pái** 違規，**ài sûi** 離場。
10. 作答進前，請照工作人員 **ê** 指示，檢查答案紙頂頭 **ê** 參賽證號碼 **kám** 有正確、完整，**nā** 有錯誤，請 **sûi** 擲手請工作人員處理，避免影響作答權益。
11. 作答 **ê** 時，**nā** 有寫無清楚、答案修改 **hú** 無清氣，或者是答案紙 **áu--tiòh**、污損致到影響評分，責任家己負責。
12. 比賽時間到，工作人員收答案紙了，參賽者 **ài** 離開比賽會場。評分了，工作人員會請參賽者進入會場聽成績公佈。
13. 所有參賽者攏會當得著 1 份精美禮物。若提早離開 **ê**，視同放棄禮物。

比賽規則

1. 這個比賽分做學生組 **kap** 社會組，同齊比賽，分別計獎。
2. 這個比賽採取淘汰賽，各組欲取前 6 名來頒獎表揚。第一名「巴克禮獎」1 位；第二名「甘為霖獎」1 位；第三名「王育德獎」1 位；「教會公報獎」3 位。
3. 主辦單位會先錄 30 个台語字，每 1 个字會連續唸 2 遍。比賽者照聽著 **ê** 字，**chhōe** 出這個字 **tī** 《甘為霖台語字典》內底 **ê** 頁數，並且 **kā** 頁數寫 **tī** 主辦單位所分 **ê** 答案紙指定 **ê** 答案欄內底。答案若是無寫 **tī** 答案欄內底一律無算分數。參賽者會使 **tī** 答案欄以外空白 **ê** 所在註記。
4. 題目攏總 30 條，答 **tiòh** 1 條得 1 分，答毋 **tiòh** 抑是無回答得 0 分，以答 **tiòh** 分數懸低來排名次。
5. 成績採用單次 **ê** 分數來做排名。各組比賽者第 1 輪 **ê** 分數 **tī** 前 6 名 **ê** 排名若有全分，**hit** 組排名全分 **ê** 參賽者 **ài koh** 進行第 2 輪比賽，第 2 輪比賽 **ê** 語詞放送時間會較短。第 2 輪比賽若 **koh** 有全分 **ê** 情形，**ài** 繼續第 3 輪 **ê** 比賽，第 3 輪比賽 **ê** 語詞 **kan-ta** 放送 1 遍。若是第 3 輪比賽了 **koh** 有全分 **ê** 情形，**tō**

由全分 ê 抽 khau-á 來分出名次。

6. Nā 有本規則無列 tiòh ê 情形，由主辦單位當場裁決處理。